




CT  
3970  
1/75  
1805  
v.1





嘉慶乙丑年秋鑄

明解學士撰

古今列女傳

積秀堂梓行



典故列女傳卷之一上

總要

○女子之學。一曰婦德。二曰婦言。三曰婦容。四曰婦功。

七出無子應  
疾兩條似過  
苛但古世祿  
之家重嫡立  
子必以正室  
所生禮稱夫  
庶子不祭所  
以重大宗而

○孔子曰。婦人伏於人也。是故無專制之義。有三從之道。在家從父。適人從夫。夫死從子。無所敢自遂也。節婦有七去。不順父母去。無子去。淫去。妬去。有惡疾去。多言去。竊盜去。



尊宗祏也無  
子繼體之位

豈可久虛思

疾無以禮制

幸而幸祭祀

必須另擇而

內無二正使

彼無罪忽降

為姬妾情實

不忍故不得

已而出也而

終不與五者

同故又云無

所歸者不去

養老於家庶

務情義兩盡

耳故諸侯之

妻無子亦有

○禮曰古者婦人先嫁三月。祖廟未毀。教於

公宮。祖廟既毀。教於宗室。教以婦德。婦言。婦

容。婦功。教成。祭之。牲用魚。芼之以蘋藻。所以

成婦順也。節。音。目。芼。男子親迎。男先於女。剛柔

之義也。天先乎地。君先乎臣。其義一也。執摯

以相見。敬章別也。男女有別。然後父子親。父

子親。然後義生。義生。然後禮作。禮作。然後萬

物安。無別無義。禽獸之道也。迎去聲。摯。與贄同。

○班氏女誡曰。古者生女。三日臥之牀下。弄



養安子為已  
子者若庶民  
之家無子恐  
不在此例  
莖葉以菜雜  
內為羹  
頻音頻大萍  
也河音早木  
草可食  
垢音苟忍辱  
含垢言甘貧  
賤勞苦不較  
獨也

之瓦磚而齋告焉。臥之牀下。明其卑弱。主下  
人也。弄之瓦磚。明其習勞。主執勤也。齋告先  
君。明當主繼祭祀也。三者蓋女人之常道。禮  
法之典教。謙讓恭敬。先人後已。有善莫名。有  
惡莫辭。忍辱含垢。常若畏懼。晚寢早作。勿憚  
夙夜。執務理事。不辭劇易。所作必成。手迹整  
理。正色端操。以事夫主。潔齊酒食。以供祭祀。  
若此。苟備而患名稱之不聞。黜辱之在身。未  
之有也。節。磚音專。易音異。夫婦之道。參配陰陽。通



就養病之人

達神明。夫不賢則無以御婦。婦不賢則無以事夫。陰陽殊性。男女異行。陽以剛爲德。陰以柔爲用。男以強爲貴。女以弱爲美。鄙諺曰。生男如狼。猶恐其尪。生女如鼠。猶恐其虎。然則脩身莫若敬。避強莫若順。故曰。敬順之道。婦之大禮也。行去聲。尪音汪。

○程氏女典曰。丈夫百行。以功補過。婦人四教。以備爲成。是以禮有公宮宗室之教。詩有牖下蘋藻之奠。然後家道諧允。儀則表見於



內若夫麗色妖容。高才美辭。貌足傾城。言足  
亂國。此乃蘭形棘心。玉曜瓦質。在邦必危。在  
家必亡。行去聲

○易曰。家人利女貞。彖曰。家人女正位乎內。  
男正位乎外。男女正。天地之大義也。家人有  
嚴君焉。父母之謂也。父父子子。兄兄弟弟。夫  
夫婦婦。而家道正。正家而天下定矣。彖上玩切

右第一篇。統論女學之要。全書之綱  
領也。其下四篇。皆引古人之嘉言善



行以終此篇之義。行去聲

婦德篇上。

○班氏曰。婦德不必才明絕異也。清閑貞靜。守節整齊。行已有恥。動靜有法。是謂婦德。

右第一章。承上篇婦德而立言也。以下百二十章。雜引古人之言行。以明之。行去聲

如誠謹也

纓音徒同。纒以黑緇朝髮。

○儀禮曰。婦人以順從爲務。貞慤爲首。故事夫有五。平旦纓笄而朝。則有君臣之嚴。沃盥



而結之  
盥澡手也婦  
事夫進盟請  
天

饋食。則有父子之敬。報反而行。則有兄弟之  
道。規過成德。則有朋友之義。惟寢席之交。而  
後有夫婦之情。

慤音恪。纏音徒。  
朝音潮。盥音管。

右第二章。事夫之德也。婦以夫爲天。  
所仰望而終身者。好合則如鼓瑟琴。  
庭闈和樂。家道昌焉。夫婦反目。人倫  
之變。衽席化爲戈矛。禍患無所底止。  
故事。夫不可不學也。然則如之何而  
可。曰。敬順無違。以盡婦道。甘苦同之。



死生以之。述事夫之德。自此以下凡

十章。

好去聲  
樂音洛

○孟子曰。女子之嫁也。母命之。往送之門。戒

之曰。往之女家。必敬必成。無違夫子。以順爲

正者。妾婦之道也。

節。女家之  
女音汝

家語曰。女子

者。順男子之教。而長其理者也。是故無專制

之義。而有三從之道。

長上聲

右第三章。

○班氏曰。夫有再娶之義。婦無二適之文。故



曰夫者天也。天固不可逃。夫固不可離也。行  
違神祇。天則罰之。禮義有愆。夫則薄之。故女  
憲曰。得意一人。是謂永畢。失意一人。是謂永  
訖。由斯言之。夫不可不求其心也。節。行。去。聲。夫  
婦之好。終身不離。房室周旋。易生媒黷。媒黷  
既生。語言過矣。語言既過。縱恣必作。縱恣既  
作。則侮夫之心生矣。夫事有曲直。言有是非。  
直者不能不爭。曲者不能不訟。訟爭既施。則  
有忿怒之事矣。侮夫不節。譴呵從之。忿怒不



止。楚撻從之。夫爲夫婦者。義以和親。恩以好合。楚撻旣行。何義之存。譴阿旣宣。何恩之有。恩義俱廢。夫婦離矣。此皆由於不知敬順也。  
易音異。媒音屑。夫事夫爲之。夫俱音扶。好去聲。

右第四章

○易曰。夫婦之道。不可以不久也。故受之以恒。  
節詩曰。習習谷風。以陰以雨。黽勉同心。不宜有怒。采芣采菲。無以下體。德音莫違。及爾

同死。  
菲音斐。



右第五章。

○娥皇女英舜之二妃。帝堯二女也。舜在側微。四岳薦之。堯乃妻以二女。以觀厥內。二女事舜於畎畝之也。不以天子之女。故而驕盈。猶謙謙恭儉。思盡婦道。舜既嗣位。爲天子。天下稱二妃聰明貞仁焉。後陟方嵬于蒼梧。二妃哭死江湘之間。俗謂之湘君。妻去聲

右第六章。

○周文王生有聖德。又得聖女妲氏。以爲之



配宮中之人。於其始至。見其有幽閒貞靜之  
德。歌關雎以美之。其詞曰。關關雎鳩。在河之  
洲。窈窕淑女。君子好逑。次章曰。參差荇菜。左  
右流之。窈窕淑女。寤寐求之。求之不得。寤寐  
思服。悠哉悠哉。輾轉反側。三章曰。參差荇菜。  
左右采之。窈窕淑女。琴瑟友之。參差荇菜。左  
右芼之。窈窕淑女。鐘鼓樂之。節。芼音帽。樂音洛。南  
國諸侯被文王之化。能正心脩身。以齊其家。  
其女子亦被后妃之化。而有專靜純一之德。



故嫁於諸侯而其家人歌鵲巢以美之其詞  
曰維鵲有巢維鳩居之之子于歸百兩御之  
次章曰維鵲有巢維鳩方之之子于歸百兩  
將之三章曰維鵲有巢維鳩盈之之子于歸  
百兩成之兩俱音亮  
御音迂

右第七章

○魯莊公十一年冬王姬歸于齊胡氏傳曰  
陽倡而陰和夫先而婦從天理也雖以王姬  
之貴其當執婦道與公侯大夫士庶人之女



嬪首賓婦也  
服也又妃嬪  
婦也

何以異哉故舜爲匹夫妻帝二女而其書曰  
嬪於虞西周王姬嫁于諸侯亦執婦道成肅  
雖之德其詩曰何彼穠矣唐棣之華曷不肅  
雖王姬之車言王姬下嫁于諸侯車服之盛  
如此而不敢挾貴以驕其夫家故見其車者  
知其能敬且和以執婦道於是作詩以美之  
傳去聲陰和  
之和去聲

右第八章

○漢鮑宣妻桓氏字少君宣嘗就少君父學



賄賂財也凡  
器物之良宜  
於居藏者皆  
曰賄

父奇其清苦。故以女妻之。裝送資賄甚盛。宣  
不悅。謂妻曰。少君生富。驕習美飾。而吾實貧。  
賤不敢當禮。妻曰。大人以先生脩德守約。故  
使賤妾侍執巾櫛。既奉承君子。惟命是從。宣  
笑曰。能如是。是吾志也。妻乃悉歸服飾。侍御  
更著短衣裳。與宣共挽鹿車歸鄉里。拜姑禮  
畢。提甕出汲。脩行婦道。鄉邦稱之。節○少俱  
妻之妻去聲賄扶風梁鴻。字伯鸞。勢家慕其  
呼畏切著音著高節。多欲擇爲壻。鴻並不就。同縣孟氏有女。



黛者青黑二  
色用以畫眉  
黛代也剃去  
眉毛以此代  
其處也  
髻音計結髮  
也椎髻一撮  
之髻如椎形  
也

名光。肥醜而黑。力能舉石。白擇對不嫁。鴻聞而娶之。始以裝飾入門。七日而鴻不答。光跪牀下。請罪。鴻曰。吾欲裘褐之人。可與俱隱深山者。今衣綺羅。傅粉黛。豈鴻所願哉。光曰。以觀夫子之志耳。乃更為椎髻。着布衣。操作而前。鴻大喜曰。此真梁鴻妻也。字之曰德耀。其入霸陵山中。以耕織為業。節○衣綺羅之衣。去聲。綺音起。椎。直追切。髻古器切。袁隗妻馬融女也。融家世豐厚。裝遣其盛。初成禮。隗問曰。婦奉箕帚而已。何乃



戀音變春念  
係纂也

過珍麗乎。對曰。慈親垂愛。不敢逆命。君若欲慕鮑宣梁鴻之高。妾亦請從少君孟光之事矣。隗五委切已論曰。此所謂無違夫子甘苦音以少去聲同之者也。粧資之盛。婦女所戀。尚且承順夫志。割愛以成其美。則其無往而不敬順可知也。世教下衰。婚娶論財。女子將嫁。或於母家需索無厭。必求資裝豐備。寡廉鮮恥。恬不知羞。男子猥陋性成。不立志節。娶婦入門。厭憎奩薄。此皆不肖之尤。壞風俗之甚者也。讀此



赧音應面慚  
亦也

倉卒間意既  
真誠往復機  
警彼食人祿  
臨難而棄之  
視之愧死矣

章能無赧然愧哉。無厭之厭平聲奩音廉

右第九章

○漢元帝幸虎圈。圍獸。忽有熊逸出。攀檻欲上。宮人皆避匿。馮昭儀挺然直前。當熊而立。及左右格殺熊。帝問昭儀何獨不懼。對曰。夫猛獸得人而止。妾恐犯御座。故身當之。帝以此倍加敬重焉。扶夫音

右第十章

○宋建炎間。滁州丁國賓為盜所掠。將烹之。



劉氏乞貸夫  
已應憐況有  
醬與代之乎  
人肉無幾斷  
不敵醬一甕  
米一斗五升  
明矣乃竟不  
乞至劉氏請  
以身代方合  
仲而烹劉獸  
相食且人惡  
之此飢兵人  
也乃不好食  
粟而食人其  
惡甚於狼虎  
矣

妻泣曰。夫族亡且盡。獨夫存。請以妾代。賊遂  
烹妻而釋其夫。節元至正十二年。房山縣大  
饑。兵乏食。執李仲義欲烹之。仲義妻劉氏聞  
之。遽往。涕泣伏地。告曰。所執者吾夫也。乞矜  
憐之。貸其生。吾家有醬一甕。米一斗五升。窖  
于地中。可掘取之。以代吾夫。兵不從。劉氏曰。  
吾夫瘦小。不可食。吾聞婦人肥黑者。味美。吾  
肥且黑。願就烹。以代夫死。兵遂釋其夫。而烹  
劉。聞者莫不哀之。害音論曰。代烹之慘。從古



未有也。然婦人以夫爲天。苟可以全夫命。雖死不辭。此所謂正也。古有代夫服刑者。明楊繼盛妻張氏。上疏請斬首都市。以代夫死。而不可得。王裕王佇沈束之妻。請代夫死。皆蒙寬宥。忠烈之婦。蓋亦有幸。有不幸焉。雖遭際不同。其揆一也。

右第十一章。

○班氏曰。物有以恩自離者。亦有以義自破者。夫雖云愛舅姑。云非此所謂以義自破者。



也。然則舅姑之心奈何。固莫尚於曲從矣。姑云不爾而是固。宜從令。姑云爾而非。猶宜順命。勿得違戾是非。爭分曲直。此則所謂曲從矣。故女憲曰。婦如影響焉。不可賞。

右第十二章。夫之父。謂之舅。夫之母。謂之姑。爲婦而不能事舅姑。雖有才。能不足稱也。末世愚婦。但知夫之爲親。而不知親夫之親。承順弗講。愛敬闕然。甚至抱哺其子。與公並倨。婦姑



不相悅。則反唇而相稽。漢俗之敝。賈  
生所為太息也。夫惟孝敬。勿逆勿怠。  
曲意承歡。務盡乃職。歷患難而不忘。  
遇酷虐而無愠。斯可謂賢婦矣。述事  
舅姑之德。自此以下凡九章。夫惟之  
夫音扶

難去  
聲

○管子曰。孝者。子婦之高行也。孝而不解。則

美名附。

行去聲  
解音懈

右第十三章。



悅用以拭手  
者薑同芷蘭  
煎湯沐浴  
蘭皆香草可

○內則曰子婦孝者敬者父母舅姑之命勿  
逆勿怠若飲食之雖不著必嘗而待加之衣  
服雖不欲必服而待加之事人代之已雖不  
欲姑與之而姑使之而後復之節。食音嗣  
著音嗜  
子甚宜其妻父母不悅出子不宜其妻父母  
曰是善事我子行夫婦之禮焉沒身不衰節  
子婦無私貨無私畜無私器不敢私假不敢  
私與節婦或賜之飲食衣服布帛佩帨芷蘭  
則受而獻之舅姑舅姑受之則喜如新受賜



若反賜之。則辭。不得命。如更受賜。藏以待之。  
婦若有私親兄弟。將與之。則必復請其故。賜  
而後與之。芷同

右第十四章。

○太姒者。文王妃也。仁明有德。文王嘉之。親  
迎于渭。造舟爲梁。太姒事太姜太任。旦夕勤  
勞。極盡婦道。詩曰。思齊太任。文王之母。思媚  
周姜。京室之婦。太姒嗣徽音。則百斯男。迎去聲任

徽音。揮美也。

俱音壬  
齊音齋



右第十五章

○唐太宗以南平公主下嫁王敬直敬直珪  
之子也。先是公主下嫁。不以婦禮事舅姑。珪  
曰。主上欽明。動遵禮法。吾受公主拜謁。豈爲  
身榮。所以成國家之美耳。乃與其妻就席坐。  
令公主執筭。行盥饋之禮。是後公主始行婦  
禮。筭音煩。爲去聲。襄成公主適蕭瑀子銳。有司  
請營別第。樹闕如制。主辭曰。婦事舅姑。如事  
父母。異宮則定省闕焉。敢卽安乎。太宗悅。命

筭竹器所以  
盛物者禮昏  
義婦執筭  
端音煩



卽瑀第門列戟表焉。

節

宣宗以萬壽公主適

起居郎鄭顥。詔之曰。先王制禮。貴賤共之。萬

壽公主事舅姑。宜從臣庶之法。

顥胡老切

論曰。此

皆天子之女也。婦事舅姑。如事父母。不以貴

賤異也。

右第十六章。

○柳玘曰。崔山南昆弟子孫之盛。鄉族罕比。

山南曾祖王母長孫夫人。年高無齒。祖母唐

夫人。事姑奉母。旦櫛縱笄。拜于階下。卽升堂。

節槐髮也。維以黑增爲之。



取以包髮在  
髻訖然後用  
笄挿之以同  
髻髮簪也

戊晉紀年邊  
也

乳其姑。長孫夫人不粒食數年而康寧。一日  
疾病。長幼咸萃。宣言無以報新婦恩。願新婦  
有子有孫。皆得如新婦孝敬。則崔氏之門安  
得不昌大乎。耻蒲眠切音縵長俱  
上聲。縵音徒。笄音雞。

### 右第十七章

○漢陳孝婦。年十六而嫁。未有子。其夫當行  
戍。且行時。屬孝婦曰。我生死未可知。幸有老  
母。無他兄弟。備養。吾不還。汝肯養吾母乎。婦  
應曰。諾。夫果死不還。婦養姑不衰。慈愛愈固。



紆機絕也

卷一上

紡績織紆以爲家業終無嫁意。居喪三年。其  
父母哀其少無子而早寡也。將取嫁之。孝婦  
曰。夫去時。屬妾以供養老母。妾旣許諾之。夫  
養人老母而不能卒。許人以諾而不能信。將  
何以立於世。欲自殺。其父母懼而不敢嫁也。  
遂使養其姑二十八年。姑八十餘。以天年終。  
盡賣其田宅財物以葬之。終奉祭祀。淮陽太  
守守便使者賜黃金四十斤。復之。終身無  
所與。號曰孝婦。戊去聲。屬俱音。燭養俱去聲。



之使去聲  
與去聲

右第十八章

竄皆舉也

○唐鄭義宗妻盧氏畧涉書史。事舅姑甚得婦道。嘗夜有強盜數十持杖鼓譟踰垣而入。家人悉奔竄。惟有姑自在室。盧冒白刃往至姑側。爲賊捶擊幾死。賊去後。家人問何獨不懼。盧氏曰。人所以異於禽獸者。以其有仁義也。鄰里有急。尚當赴救。況在於姑。而可委棄乎。若萬一危禍。豈宜獨生。捶主葉切



右第十九章。

○禮脩者。張氏女趙嵩妻也。姑酷惡無道。遇之不以禮脩。終無愠色。及歸寧。父母問之。但引咎不道姑。卒感悟。更慈愛之。鄉人相訓曰。作婦不當如趙伯高婦乎。使惡姑知變。可謂婦師。

右第二十章。

○班氏曰。婦人之得於夫。由舅姑之愛已也。舅姑之愛已。由叔妹之譽已也。由此言之。我



臧薏

臧否毀譽。一由叔妹。叔妹之心。復不可失也。皆莫知叔妹之不可失。而不能和之以求親。其蔽也哉。節。音鄙。復扶又切。室人和。則謗掩於內。離則惡揚。此必然之勢也。易曰。二人同心。其利斷金。同心之言。其臭如蘭。節。斷徒管切。夫嫂之與妹。體敵而分尊。恩疏而義親。若淑媛謙順之人。則能依義以篤好。崇恩以結援。使徽美顯彰。而暇過隱塞。舅姑矜善。而夫主嘉美。聲譽耀於邑隣。休光延於父母。若夫蠢愚之



詩同詠詩大  
雅卑卑詠詠  
言謗發也

人於嫂則托名以自高。於妹則因寵以驕盈。  
驕盈既施。何和之有。恩義既乖。何譽之臻。是  
以美隱而過宣。姑忿而夫慍。毀譽布於中外。  
恥辱集於厥身。進增父母之羞。退益君子之  
累。斯乃榮辱之本。而顯否之基也。可不慎哉。  
夫嫂夫蠢之夫音扶分  
去聲好去聲否音鄙

右第二十一章。夫之弟妹。俗所謂小  
叔小姑也。姑叔之間。易啓猜嫌。待之  
不得其道。則上失舅姑歡心。傷吾身。



素即金經  
袋  
善取以歸首  
耳取之塞耳

孝友之志。非賢婦也。和氣致祥。門內  
之福。令聞亦由此彰焉。述和叔妹之  
德。自此以下凡二章。易音異  
聞去聲

○永嘉何氏。王木叔之妻也。初歸王家。甚貧。  
何氏佐以勤儉。家用遂饒。一日語夫曰。子可  
出仕。奈弟妹貧寒何。橐中餘資久蓄。奚益。請  
以分之。夫喜曰。是吾志也。旦日盡散簪珥。不  
遺。木叔既仕。又曰。弟妹尚困。有田如許。何不  
畀之。夫喜曰。此尤吾志也。遂以田與弟妹。一



郡稱爲賢婦

右第二十二章

○柳開曰。皇考治家。孝且嚴。旦望弟婦等拜堂下畢。卽上手低面聽我皇考訓誡曰。人家兄弟無不義者。盡因娶婦入門。異姓相聚。爭長競短。漸漬日聞。偏愛私藏。以致背戾分門。割戶患若賊讐。皆汝婦人所作。男子剛腸者。幾人能不爲婦人言所惑。吾見多矣。若等寧有是耶。退則惴惴不敢出一語爲不孝事。開

漬音恣浸也



介婦即弟婦

輩抵此賴之得全其家云。幾上聲

右第二十三章。夫兄弟之妻。俗所謂妯娌也。古曰娣姒。長婦爲姒。介婦爲娣。婦人相稱皆曰姒。則從乎其尊者。娣姒之親。亦如兄弟。異姓相聚。爭長競短。風俗之衰。不可言矣。人非木石。皆可相觀而善。有禮讓之誠。無自私自利之心。安往而不和睦哉。述睦娣姒之德。自此以下凡六章。妯音逐。娣音弟。長婦



非謂妯娌必  
欲其各居四  
海也。甚言同  
室而爭不若  
分居時相懷  
念耳。若能如  
後所云凡事  
忍然而行。雖  
如張公九世  
同居。其又何  
害。

之長  
上聲

○顏氏家訓曰。娣姒者。多爭之地也。使骨肉  
居之。亦不若各歸四海。感霜露之相思。佇日  
月之相望也。況以行路之人。處多爭之地。能  
無閒者鮮矣。所以然者。以其當公務而執私  
情。處重責而懷薄義也。若能恕已而行。換子  
而撫。則此患不生矣。閒去聲

右第二十四章。

○胡氏女範曰。人家不和。多因婦女以言激。



道破婢妾性  
情

怒其夫。傷及同氣。蓋婦女所見。不廣不遠。不  
公不平。輕于割恩。易于脩怨。非丈夫有遠識。  
則爲其役而不自覺。一家之中。乖變生矣。節  
○易音異婦女之易生言語者。又多由於婢妾。婢  
妾愚賤。尤無見識。以言他人之短。爲忠於主。  
母苟能一切勿聽。則虛佞之言。不敢復進。若  
聽之信之。從而愛之。則必再言之。又言之。使  
主母與人遂成深讐。爲婢妾者方洋洋得志。  
易音異復扶又切



家婦長婦也

右第二十五章

○內則曰。家婦所祭祀賓客。每事必請于姑。  
介婦請于家婦。舅姑使家婦。毋怠不友。無禮  
于介婦。舅姑若使介婦。毋敢敵耦于家婦。不  
敢並行。不敢並命。不敢並坐。  
毋俱音無  
友作敢

右第二十六章

繇同出

○晉王渾妻鍾氏。黃門郎徽之女。太傅繇曾  
孫也。能屬文博覽。記美容止。禮儀法度。爲中  
表儀則。渾弟湛妻郝氏。有操行。鍾親重之。鍾



不以貴相陵。郝不以賤相諂。時稱鍾夫人之

禮。郝夫人之法。

節○郝音整

行去聲唐張孟仁妻鄭

氏。其弟仲義妻徐氏。共處一室。紡績寸絲。不  
入私房。徐母家有所饋。俱納于姑。臨用則請。  
不問孰爲已物。徐富不驕。鄭貧不諂。鄭歸寧。  
則徐乳其子。徐歸寧。則鄭乳其子。不問孰爲  
已子。子亦不知孰爲已母。太平間表其門曰  
二難。論曰。娣姒不和。多由于貴賤。貧富之  
間。不相若耳。一家之親。何分彼此。恃富挾貴。



人將不堪。能如鍾郝之相善。鄭徐之相忘。雖百世同居可也。

右第二十七章。

閨訟也

○蘇少娣崔氏女也。蘇家兄弟五人娶婦者四矣。各聽女奴語。日有爭言。甚者閨牆操刃。少娣始嫁。姻族皆以爲憂。少娣曰。木石鳥獸。吾無如彼何矣。世豈有不可與之人哉。入門事四嫂。執禮甚恭。嫂有缺乏。少娣卽以遺之。姑有役其嫂者。嫂相視不應命。少娣曰。吾後



進當勞。吾爲之母家有果肉之饋。召諸子姪分與之。嫂不食。未嘗先食。嫂各以怨言告少娣者。少娣笑而不答。少娣女奴以妯娌之言來告者。少娣答之。尋以告嫂。引罪。嘗以錦衣抱其嫂小兒。適便溺。嫂急接之。少娣曰。無遽恐驚兒也。了無惜意。歲餘。四嫂自相謂曰。五娣大賢。我等非人矣。奈何。若大年爲彼所笑。乃相與和睦。終身無怨語。少俱去聲論曰。此所謂至誠而不動者。未之有也。人能如蘇少娣。天



下無難處之娣姒矣。

少去聲

右第二十八章

○文王后妃孝於父母。既成絺綌之服。遂告

其師氏。使告於君子。以將歸寧之意。其詞曰。

言告師氏。言告言歸。薄汚我私。薄澣我衣。害

澣害否。歸寧父母。

害俱音轄

右第二十九章。詩曰。哀哀父母。生我

劬勞。又曰。父兮生我。母兮鞠我。拊我

畜我。長我育我。顧我復我。出入腹我。

絺音鴟綌音際麻葛織成細者曰絺粗者曰綌汚去六也私裏衣澣音澣洗也

也 似音渠病苦



逮追也繫聯  
絡縛也如今  
解囚人

欲報之德。昊天罔極。人身雖有男女。  
自父母視之。則皆子也。同為父母所  
生。而獨不得終養。女子之心。有倍愴  
然者矣。永言孝思。常存勿替。隨其力  
之所能。為盡其情。于不自已。述事父  
母之德。自此以下凡五章。飭求於切  
音渠長上  
聲養去聲  
已音以

○漢太倉令淳于意。有罪當刑。詔逮繫長安。  
意有女五人。無子。臨行。罵曰。生女不生男。緩



緹音題縈音  
縈

急非有益少女緹縈悲泣隨父至長安上書  
曰妾父爲吏齊中皆稱廉平今坐法當刑妾  
傷夫死者不可復生刑者不可復屬雖欲改  
過自新其道無由也妾願八身爲官婢以贖  
父罪書奏文帝憐之爲除肉刑少去聲緹音  
去聲爲

右第三十章

所生子女皆  
曰息縈音獲  
刈禾也噬音

○宋南鄉縣民楊豐與息女香于田穫粟豐  
爲虎所噬香年甫十四手無寸刃見父被傷



搯捉也按也

也壤音薑爪持

舍命攘拳而搯虎頸豐因獲免太守聞之賜

以穀帛仍旌其門。節○舍上聲攘如羊宛陵切搯音厄守去聲

有女夜與母共寢母為虎所攫女執虎尾啼

號行十里不捨虎毛盡落乃置其母而去詔

表其門。節○號平聲分寧彭女從父入山採樵虎

啣其父而去女拔刀砍虎奪父還詔賜粟帛

合州縣歲時存問論曰此皆舍命護親不

期勇而自勇者也孝思迫切虎口可以生還

而况其他乎。舍上聲



右第三十一章

○政和中。濟南崔志有女甚孝。母臥病久。冬月思食魚而不可得。女曰。聞昔者王祥臥冰得魚。想不難也。兄弟皆曰。女子何妄論古今。女曰。不然。父母有兒女者。本欲養生送死。兄謂女不能耶。乃同乳媪焚香誓天。卽往河中臥冰。凡十日。果得魚三焉。鱗鬣稍異。歸以奉母。母病立愈。

媪烏考切  
鬣力涉切

右第三十二章

媪老婦之稱  
卽乳母  
鬣音獵魚額  
旁小鬣



伍許即伍子胥

也齊送也請往

○萃女曹娥上虞曹肝女也。肝為巫祝能撫節按歌。婆娑樂神。五月迎伍君。逆濤而上。溺死不得屍。娥年十四。沿江號哭。晝夜不絕聲。旬有七日。遂投江死。經五日。抱父屍而出。今曹娥碑為世所傳誦。歷代不朽。即其事也。節

○野音虛樂。捷為女子叔先雄。父為縣功曹。音洛號平聲。

齊檄詣巴郡。墮水不得屍。雄乘舟于父墮處。慟哭。赴水死。見夢其弟曰。後六日。當與父屍同出。至期果然。郡縣立祠祀之。節○捷經天切音堅處。



撫摘魚也

去聲。樂平女子饒瓊真。世漁鄱水。父漁而醉。不能舟。風卒起。溺死。不得屍。饒走水上慟哭。三日不食。耳鼻皆流血。氣絕伏地而死。明日父屍出。黿鼉蛟魚浮死者數萬。塞川下。鄱人以爲神。葬之鄱水西。立碑表焉。鄱蒲河切論曰。此皆不幸。父死沒屍。而以身殉者也。生則沿江號哭。天地慘悽。沒則精魂不散。偕父以出。偉哉孝女。一至此乎。固宜其祠碣豐隆。千秋不朽也。號平聲



右第三十三章。

○顏氏家訓曰。婦人之性。率寵子壻而虐兒婦。寵壻則兄弟之怨生焉。虐婦則姊妹之讒行焉。然則女之行留。皆得罪於其家者。可不戒哉。

右第三十四章。婦人愛女。其天性也。女子事嫂。當倍加親愛。溫和不謙讓。豈可自圖便利。相傾相軋哉。每見人家癡女。不知兄嫂之爲親。稍不如意。則

軋音極輾也



鳴音等鼻音  
與音惡鳥

世間為女多  
與兄嫂不合  
但得不於母  
前搬唇弄舌  
及母怒嫂能  
從中勸解斯  
稱賢矣况肯

於父母之前播弄長舌論說是非使  
母氏嗔怒致怨於嫂視若仇敵父母  
既沒之後嫂亦恨已入骨惡之如鳴  
臬一家之親乃至於此深可痛也述  
事兄嫂之德自此以下凡二章惡去聲  
○鄒瑛宋人之女也繼母所出前母兄娶妻  
荆氏繼母惡之飲食常不給瑛私以已食繼  
之母每以非理役荆瑛必與俱荆有過誤瑛  
先引為已罪母每扑荆瑛跪而泣曰女他日



後代答不倦  
乎更有難者  
兒子因嫂墜  
火而死雖嫂  
無心而胸中  
豈能不宿怨  
乃母大怒反  
為蓋欲嫂抱  
慚及為強食  
且託夢相慰  
後竟化母成  
慈聖賢度量  
雖鬚眉男子  
不及千古以  
上一鄒英千  
古以下一鄒  
英

不為人婦耶。有姑如是。吾母樂乎。母怒欲答  
瑛。瑛曰。願為嫂受笞。嫂實無罪。母徐察之後。  
適為士人妻。舅姑妯娌姊妹。知其賢也。皆敬  
重焉。瑛歸寧。抱數月兒。嫂置諸牀上。兒偶墜  
火。爛額。母大怒。瑛曰。吾臥于嫂室。不慎。嫂不  
知也。兒竟死。荆悲悔不食。瑛為好語相慰曰。  
嫂作意耶。我夜夢凶。兒當死。不則我將不利。  
強嫂食而後食。母後見女之得愛于夫家也。  
竟成慈母。瑛嘗病。嫂為素食三年。瑛五子四



登進士年九十三而卒。

惡去聲。樂音洛。爲媿之爲去聲。強上聲。

右第三十五章。

○晏子曰。爲妻之道。使其衆妾皆得歡忻於其夫。謂之不嫉。

右第三十六章。有妻有妾。人道之正。月星並麗。豈掩未光。故妬心不可萌也。世教下衰。十婦九妬。或貌爲能容。而陰施毒虐。或顯肆殘暴。而不恤人言。甚有至老無子。情甘絕祀。而不願。



夫娶妾者。此等婦人罪不可勝誅矣。婦有七去。淫去。妬去。貽先哲之教言。觀貞淑之懿行。能無愧乎。述去。妬之德。自此以下凡十章。勝平聲。行去聲。○杜欽曰。禮一娶九女。所以極陽數。廣嗣重祖也。必鄉舉窈窕。不問華色。所以助德理內也。娣姒雖缺。不復補。所以養壽塞爭也。故后妃有貞淑之行。則胤嗣有賢聖之君。制度有威儀之節。則人君有壽考之福。復扶又切。行去聲。



右第三十七章

○皇明內訓曰。君子爲宗廟之主。奉神靈之  
統。宜蕃衍似續。傳序無窮。故夫婦之道。世祀  
爲大。古之哲后賢妃。皆推德逮下。薦達貞淑。  
不獨任已。是以茂衍來裔。長流慶澤。周之太  
姒。有逮下之德。故樛木形福履之誅。螽斯陽  
振振之美。終能昌大木枝。綿固宗社。三王之  
隆。莫此爲盛矣。故婦人之行。貴于寬惠。惡于  
妬忌。月星並麗。豈掩末光。松蘭同畝。不嫌俱

樛音施  
螽布心



秀自后妃以至士庶人之妻。誠能貞靜寬和。明大孝之端。廣至仁之意。不專一己之欲。不蔽衆下之美。斯上安下順。和氣蒸融。善慶源源。實肇於此矣。振音真行去聲惡去聲

右第三十八章。

○成湯之妃有嬖氏女也。賢行聰明。化訓內外。統領九嬪。後宮有序。咸無妬媚逆理之人。卒致王功。嬖音辛行去聲

右第三十九章。



葛音葛藤屬  
壘音雷繫也

詵音莘和集  
貌振音真威  
貌薨羣飛聲  
繩不絕貌揖  
會聚也熱音  
直多也

○周南樛木。美后妃也。后妃能逮下而無嫉妬之心。故衆妾樂其德而稱願之。其詩曰。南有樛木。葛藟荒之。樂只君子。福履將之。南有樛木。葛藟荒之。樂只君子。福履成之。節○樂俱音洛藟音壘后妃不妬忌而子孫衆多。衆妾又歌螽斯以美之。其詩曰。螽斯羽。詵詵兮。宜爾子。孫繩繩兮。孫振振兮。螽斯羽。薨薨兮。宜爾子。孫繩繩兮。螽斯羽。揖揖兮。宜爾子。孫蟄蟄兮。言其有是



德而宜有是福也。振音真薨音

右第四十章

嘒音惠照貌

媵音閏從嫁女也

○南國夫人承后妃之化。能不妬忌。以惠其下。故其衆妾歌小星以美之。其詩曰。嘒彼小星。三五在東。肅肅宵征。夙夜在公。寔命不同。嘒彼小星。惟參與昴。肅肅宵征。抱衾與裯。寔命不猶。節○嘒胡相切是時汜水之旁。媵有待年於國。而嫡不與之偕行者。其後嫡被后妃夫人之化。乃能自悔而迎之。故媵見江水之有



汜音杞水流

復還也

渚音主小洲

曰渚

沱音駝江別

流也

汜。而因以起興其詩曰。江有汜。之子歸。不我  
 以。不我以其後也。悔。江有渚。之子歸。不我與。  
 不我與其後也。處。江有沱。之子歸。不我過。不  
 我過。其嘯也歌。節。興去聲。過俱音戈。陳氏曰。小星之  
 夫人。惠及媵妾。而媵妾盡其心。江沱之嫡。惠  
 不及媵妾。而媵妾不怨。蓋父雖不慈。子不可  
 以不孝。各盡其道而已矣。已音以。

右第四十一章

○魯桓公八年冬十月祭公逆王后于紀。九



年。春紀季姜歸于京師。胡氏傳曰。往逆則稱王后。既歸。何以書季姜。自逆者而言。則當尊崇其匹。內主六宮之政。使妃妾不得以上僭。故從天王所命。而稱王后。示天下之母儀也。自歸者而言。則當樛屈逮下。使夫人嬪婦皆得進御于君。而無嫉妬之心。故從父母所子。而稱季姜。化天下以婦道也。傳去聲

右第四十二章

○晉趙衰之妻。文公女也。曰趙姬。文公爲公



文公既以叔隗妻衰生盾復以姬妻之比何心也使姬之賢文公其何以處之乃姬身下叔隗使于下盾不備衰幸文公幸也

子時與衰奔狄狄人入其二女叔隗季隗公以叔隗妻衰生盾焉及反國復以趙姬妻之生原同屏括矣趙姬請迎盾母于狄衰不敢姬曰不可夫得寵而棄舊非義安新而忘故無恩與人勤于厄難富貴而不顧無禮失此三者其何以使人雖妾亦無以侍巾櫛矣衰許諾乃迎叔隗與盾來姬以盾爲賢請立爲嫡使三子下之以叔隗爲內子身親下之及盾爲正卿思姬之恩請于公以姬之中于屏



婦為公族大夫晚五委切妻衰妻之三妻俱去聲復共又切難去聲

右第四十三章

婦以貞順為善女宗能言之知所寶矣以聞之能無報願

○女宗者宋鮑蘇妻也。蘇仕衛三年而他娶。女宗獨養姑不衰。姒謂之曰：夫子有外好矣，何不去也？女宗曰：吾聞婦以專一為貞，以善從為順。貞順者，婦人所寶。豈以專夫室之愛為善哉？若抗夫室之好，苟以自榮，則吾未知其善也。夫禮天子妻妾十二，諸侯九，卿大夫三，士二。今吾夫固士也，其有二不亦宜乎？且



婦有七去妬爲之首吾妣不匡我以禮而使  
吾爲見棄之行非所聞也宋公聞之表其閭

曰女宗

養去聲好俱  
去聲行去聲

右第四十四章

延育佳平身  
孕也

○漢馬皇后接待同列如承至尊先人後已

發于至誠是時後宮未有妊育者后言繼嗣

當及時而立薦達左右如恐弗及後宮或進

見輒奉養慰納之其寵益進者與之愈隆

節

○好音任

養去聲

順帝梁貴人嘗特被引御從容辭



曰夫陽以博施爲德陰以不專爲義願陛下  
思雲雨之均澤小妾得免于罪帝由是賢之  
立爲后

從倉  
紅切

右第四十五章

○張負嫁孫女與陳平誠之曰無以貧故事  
人不謹事兄伯如父事嫂姑如母

右第四十六章貧者士之常室人交  
謫古今所同嘆也小人貧斯約約斯  
盜君子因窮所以不同於俗耳婦人



從夫貧富惟天所命處貧而不能安將有無所不至者矣。子貢曰貧而無諂孔子曰未若貧而樂。又曰貧與賤。是人之所惡也不以其道得之不去也。凡爲女子宜三復焉述安貧之德

自此以下凡七章

樂音洛惡去聲三去聲

○楚狂接輿躬耕而食。楚王遣使迎之。接輿笑而不應。其妻從市來問其故。接輿具以告。妻曰。妾聞義士非禮不動。不爲貧而易操。不



菴所以盛種

貪酒肉而不  
計鞭扑者多

爲賤而改行。妾事先生躬耕以爲食。親織以  
爲衣。據義而動。樂亦足矣。若受人重祿。乘堅  
刺肥。將何以待之。接輿曰。吾不許也。妻曰。君  
使不從。非忠也。從之。又違非義也。不如去之。  
夫負釜甕。妻戴紕器。變姓名而遠徙。莫知所  
之。節。遣使之使去聲。爲貧爲賤。之爲俱去聲。行去聲。樂音洛。楚人老萊  
子耕於蒙山之下。楚王聞其賢。遣使聘焉。其  
妻負畚挾薪而來。曰。何車跡之衆也。老萊子  
具言之。妻曰。妾聞可啖以酒肉者。可隨以鞭



矣。戀官祿而不慮斧鉞者，衆矣。吾知其讀葉婦之言，必笑為迂也。盛音促改容變色也。

批可餌以官祿者，可繼以斧鉞。妾不能為人  
所制，因共逃去。至於江南而止，曰：鳥獸之毛  
可績而衣，其遺粒足食也。仲尼聞其論，為蹙  
然改容焉。節。使去聲。審音。本啖徒覽切。楚王遣使持金  
百鎰，聘陳定為相。定謂妻曰：今日為相，明日  
結駟連騎，食方丈于前。妻曰：結駟連騎，所安  
不過容膝；食方丈于前，所甘不過一肉。今以  
容膝之安，一肉之味，而懷楚國之憂，亂世多  
害，恐先生不能保命也。於是去妻逃去，為人



灌園

俱去聲

相

論曰

此皆安貧自樂避富貴

而恐浼者也。高士之妻加于人一等矣。

樂音洛

右第四十七章

○柳下惠處魯。三黜而不去。其妻曰。無乃濇乎。君子有二恥。國無道而貴。恥也。國有道而賤。恥也。今當亂世。三黜而不去。何與。惠曰。滔滔之民。將陷於害。吾安能已乎。且彼爲彼。我爲我。雖袒裼裸裎。安能汙我。及惠卒。門人將誄之。妻曰。二三子不如妾知之也。乃誄曰。夫



子之不伐兮。夫子之不竭兮。夫子之信誠而  
與人無害兮。屈柔從俗。不强察兮。蒙恥救民。  
德彌大兮。雖遇三黜。終不蔽兮。豈弟君子。求  
能厲兮。庶幾遐齡。今遂逝兮。嗚呼哀哉。魂神  
泄兮。夫子之謚。宜曰惠兮。門人從之。節○三黜之  
三去聲何與之與平聲已音以豈音愷魯黔婁先生死。曾子與  
門人往弔焉。上堂而見其尸。緼袍不表。覆以  
短被。手足不盡斂。曾子曰。斜引其被。則斂矣。  
其妻曰。斜而有餘。不若正而不足。先生以不



斜之故。乃至于此。死而斜之。非先生意也。曾子哭之曰。何以爲謚。其妻曰。以康爲謚。曾子曰。先生生時。食不充口。衣不蓋形。死則手足不斂。旁無酒肉。生不得其美。死不得其榮。何樂于此。而謚爲康乎。妻曰。昔先生君嘗欲授之以政。辭國相而不爲。是有餘貴也。君嘗賜之粟三十鍾。先生辭而不受。是有餘官也。彼先生者。甘天下之淡味。安天下之卑位。不戚戚于貧賤。不忻忻于富貴。求仁而得仁。求義



而得義其諡爲康。不亦宜乎。曾子曰。唯斯人

也。而有斯婦。

樂音洛  
相去聲

右第四十八章。

○太原王霸。少立高節。光武中。連徵不仕。妻

亦美志行。友人令狐子伯爲楚相。使其子奉

書于霸。車馬服從。雍容如也。霸子方耕于野。

聞賓至。投耒而歸。見令狐子。沮怍不能仰視。

霸目之。有愧容。客去久臥不起。妻怪問其故。

霸曰。吾與子伯素不相若。向見其子。容服甚

沮怍慚愧貌



歷齒髮垂過齒也

崛音堀反起貌

閹音淹官監

先舉措有適而我兒蓬髮歷齒未知禮則見容而有慚色父子恩深不覺自失耳妻曰君少脩清節不顧榮祿今子伯之貴孰與君之高奈何忘宿志而慚兒女子乎霸崛起而笑曰有是哉遂共隱終身

少俱去聲行去聲楚相之相去聲從去聲

### 右第四十九章

○晉姚家婦楊氏者閹人符承祖之母姨也家貧承祖寵貴姻親爭求利潤惟楊獨不屑嘗謂其姊曰姊雖有一時之榮不若妹有無



也  
悲音重怒恨

憂之樂。姊每遺其衣服。多不受。強與之。則云我夫家世貧。好衣美服。使人不安。與之奴婢。則云我家無食。不能供給。終不肯受。常着破衣。自執勞事。承祖見之。悲其家不賑給。謂母曰。何令姨若是。母語以故。不信也。遣車迎之。不赴。強抱置車中。則大哭曰。汝欲殺我。由是符家內外。皆號爲痴姨。及承祖敗。有司執其二姨。至殿庭致法。以姚氏婦衣裳弊陋。特免其罪。

閻音奄。樂音洛。強俱上聲。悲胡桂。

論曰。此以安貧而得



免禍者也不義而富必有後災貧何負於人哉。

右第五十章

○廉靖先生劉愚妻。龍游徐氏女也。幼有志操。姑子富。母欲以字之。徐泣曰。願得有志行者事之。獨爲富人妻。不願也。時愚通經學。隱居教授。請聘之。乃許。旣歸。愚結廬城南以居。顏垣敗壁。蓬蒿蕭然。時著書以自適。徐機杼佐之。晏如也。一日愚懷數金以歸。徐大怒。愚

也。顏音雅敗壞



出書則諸生所具束脩也。乃受之後，愚為安鄉令卒。士友私謚曰廉靖君。妻之助也。行去聲

石第五十一章

水馬魚名牙  
骨堅瑩可制

器竭平虫名

似螺負殼而

行頭有兩黑

魚燕麥野稷

○李氏巴長卿妻也。長卿家徒四壁，李氏處之恬然。姊妹有適鄒姓者，甚富而笑之。李亦不以為怪。遂作巴家富詩，其詞曰：誰道巴家窘，巴家十倍鄒。池中羅水馬，庭下列蝸牛。燕麥分無數，榆錢散不收。夜來添驟富，新月掛銀鈎。蝸古切論曰：姊妹之間，恃富嗤貧，人情所



也似稗稍長  
有細米榆花  
結實成莢中  
白子似錢唯  
音如笑也

謚音密安靜  
也

難堪也。李氏賦詩自解無怨恨不平之氣。友  
以游戲出之。人品之高不可及矣。

### 右第五十三章

○隋蕭后述志賦曰。願立志於恭儉。私自兢  
於誠盈。孰有念於知足。苟無希於濫名。又曰  
居高思危。持滿防溢。知恣夸之非道。乃攝生  
于冲謚。嗟寵辱之易驚。尚無爲而抱一履謙  
光而守貞。且願安乎容膝。珠簾玉箔之奇金  
屋瑤臺之美。雖時俗之崇麗。蓋吾人之所鄙。



愧絺綌之不工。豈絲竹之喧耳。知道德之可  
尊明。善惡之由已。謚音密  
易音異

右第五十三章。謙卑自牧。婦人之盛  
德也。愛惜物力。閨闈之美行也。苟富  
且貴而驕奢淫佚。終趨覆亡。則恭儉  
不可不學也。凡人一生福澤。皆有天  
限。宜自加珍惜。常留有餘不盡之意。  
貴而能下。則人不憎。富而有節。則財  
不匱。禮法以持射。澹泊以明志。匪惟



養德。福亦裕焉。述恭儉之德。自此以

下凡五章。

行六聲

縠熟素縐也

縠音谷細絹

也紡絲而織

之綺縠言其

細

○漢明帝皇后伏波將軍馬援女也。慈仁儉素。敬身率下。常衣大練。裙不加緣。朔望諸姬主朝。請望見后袍衣疏粗。反以為綺縠。就視乃笑。后辭曰。此縐特宜染色。故用之耳。六宮莫不嘆息。節○衣大練之衣去聲緣去聲朝音潮章帝欲封諸舅。馬太后不聽。會大旱。有司以為言。太后曰。昔王氏五侯同日俱封。黃霧四塞。不聞澍雨。



備音鋤巾幅  
衣及於朝服

之應。夫外戚貴盛。鮮不傾覆。故先帝慎防舅  
氏。不令在樞機之位。言爲天下母。而身衣大  
練。食不求甘。左右但着帛布。無薰香之飾。欲  
身率下也。前過濯龍門上。見外家問起居者。  
車如流水。馬如游龍。君頭衣綠襦。領袖正白。  
顧視御者。不及遠矣。故不加譴怒。但絕歲用。  
冀以默愧其心。猶憚人忘無憂國忘家之慮。知  
臣莫若君。況親屬乎。  
節○澍商遇切衣章帝  
俱去聲補音鉤  
復固請之。太后曰。高祖約非軍功不侯。今馬



氏無功于國。豈得與公陰。乳中興之后等耶。嘗  
觀富貴之家。祿位重。宜猶再實之木。其根必  
傷。吾計之熟矣。勿有疑也。夫至孝之行。安親  
爲上。今數遭變異。穀傾數倍。憂惶晝夜。不安  
坐臥。而欲先營外家之封。違慈母之惓惓乎。  
若陰陽調和。邊境清靜。然後行子之志。吾但  
當含飴弄孫。不能復開政矣。帝乃止。復扶又  
重平

聲夫音扶。行字  
上去聲。下如字。

右第五十四音



○和熹鄧皇后。太傅禹之孫也。選入宮爲貴人。恭肅小心。承事陰后。接撫同列。常克已下之。雖宮人隸役。皆加恩恤。帝深嘉焉。嘗有疾。帝特令其母兄弟入視醫藥。辭曰。宮禁重地。而使外舍久在內省。上令陛下有私幸之譏。下使賤妾獲不知足之謗。上下交損。誠不願也。平居不喜侈靡。獨尚質素。及爲皇后。郡國貢獻。皆減過半。尚方內署。服御珍膳。靡麗難成之物。悉令禁絕。離宮別館。儲峙米炭。悉令



裁省。禁止設戲作樂。斥賣上林鷹犬。自非陵廟米。不許導擇朝夕一肉飯而已。已音論曰。周書云。惟辟作福。惟辟作威。惟辟玉食。皇后母儀天下。玉食威福。固其宜也。尚且恭儉若此。爲臣民之妻者。可以鑒矣。

右第五十五章。

○唐長孫皇后疾篤。與太宗訣。時房玄齡以謫歸。第后曰。玄齡事陛下久。小心慎密。苟無大故。不可棄也。妾之本宗。因緣葭莩。以致祿



位。既非德舉。易致傾危。欲保全之。慎勿處之。  
權要。妄生無益于人。願勿以丘壘勞費天下。  
但因山爲墳。器用瓦木可也。更願陛下親君  
子。遠小人。納忠諫。屏讒慝。省作役。止遊畋。則  
妾死不恨矣。

長上聲。萃音孚。易音異。  
壘音隴。遠去聲。畋音田。

右第五十六章

○岐陽公主。憲宗長女也。有賢行。下嫁尚書  
杜棕。杜本大族。尊行不翅數十人。公主卑委  
怡順。一同家人禮度。始至。則與棕謀曰。上所



賜奴婢。必不肯窮屈。皆奏納之。悉自買寒賤。可制者。自是閨門寂然。不聞人聲。後惊出。爲澧州刺史。遣人迎主。郡縣殺牛羊。爲數百人供具。主從者不過二十人。六七婢乘驢。鬪茸。約所至。不得食肉。驛使舁飲食候門外。悉載以還。京師傳說。以爲異事。節。長上聲。賢行之行。去聲。尊行之行。音杭。翅音宮。從去聲。關音塔。茸音冗。使去聲。舁音余。東光縣主名楚媛。紀王慎女也。適太子司議裴仲。將事姑如母。敬夫如賓。以徽柔睦娣姒。以慈愛逮幼賤。



時戚里爭尚驕奢。主獨守儉約。或謂之曰。人生在適志。獨勤苦何爲。對曰。幼而悅禮。今行之不違。非適志如何。且女婦以恭遜成德。以驕縱敗名者。何限。獨懼弗勤。敢憚苦乎。論曰。公主。帝女也。縣主。王女也。世人小小富貴。驕奢如恐不及。觀於帝王之家。且有如此之女。能無幡然愧悟哉。

右第五十七章。



